

ԹԵՄԱՆԵՐ. ՄԱՐԴՈՒ ԻՐԱՎՈՒՆՔՆԵՐ, ՄԱՐԴՈՒ ԻՐԱՎՈՒՆՔՆԵՐԸ ԶԻՆՎԱԾ ՈՒԺԵՐՈՒՄ, ՔԱՂԱՔԱՑԻԱԿԱՆ ԱԿՏԻՎԻԶՄ

Տևողություն. 90 րոպե

Նյութեր.

նոթբուքեր, համապատասխան կայքերի և աղբյուրների հղումներ, տպագիր նյութեր, տեսանյութերի հղումներ կամ տեսողական սարքեր (պրոյեկտոր, էկրան), մարկերներ, թուղթ

Տարիք. 15+

Համառոտ տեղեկատվություն առաջադրանքի վերաբերյալ.

Առաջադրանքի միջոցով սովորողներն ավելի լայն պատկերացում կկազմեն Հայաստանի ժողովրդավարական գործընթացների մասին՝ վերլուծելով բանակում առկա մարդու իրավունքների խնդիրները և այդ խնդիրների վերաբերյալ իրազեկության բարձրացմանը և դրանց լուծմանն ուղղված քաղաքացիական ակտիվիզմի դրսևորումներն ու քաղաքացիական նախաձեռնությունները: Սովորողները կքննարկեն դեպի ժողովրդավարություն անցումը, ակտիվիզմը, մարդու իրավունքները և կգնահատեն, թե ինչպես է պատերզամն ազդել ու շարունակում է ազդել Հայաստանյան հասարակության վրա:

Հիմնական հարց.

Ինչո՞ւ է ժողովրդավարական հասարակությունում ակտիվ քաղաքացիական դիրքորոշում ունենալը կարևոր:

Կրթական վերջնարդյունքներ

Սովորողները կկարողանան.

- աշխատել ականատեսների վկայությունների և այլ առաջնային աղբյուրների հետ,
- տարբեր խնդիրների վերաբերյալ իրենց կարծիքը/դիրքորոշումը հիմնավորելու համար օգտագործել տարբեր աղբյուրներ,
- քննարկել մարդկանց ակտիվ քաղաքացի դարձնող հիմնարար արժեքները:

ԳՈՐԾՈՂՈՒԹՅՈՒՆՆԵՐ

Քայլ 1. Մտազրոհ (10 րոպե)

Այս գործողության նպատակը թեմայի հանդեպ հետաքրքրություն արթնացնելն է: Ուսուցիչը սովորողներին ցույց է տալիս ՀՀ Զինված ուժերում խաղաղ պայմաններում մահվան ելքով միջադեպերի վիճակագրությունը 1994 թ. սկսած (տես նաև Հավելված 1-ը): Նա նաև բացատրում է պատկերը թվերը: Սովորողներն այնուհետև պետք է պատասխանեն հետևյալ հարցերին.

- Ի՞նչ է ասում գծապատկերը:
- Ո՞րն է մահվան ելքով միջադեպերի ամենամեծ տոկոսը:
- Ի՞նչ եք կարծում, ինչո՞ւ:

Քայլ 2. Ականատեսի ներկայացում (5 րոպե)

Ուսուցիչը ներկայացնում է ականատեսին՝ հարցազրույցում տրամադրված տեղեկությունների, ինչպես նաև հարցազրույցին կից տեղեկատվության հիման վրա: Ուսուցիչը կարող է նաև տպել Հավելված 3-ը և այն տրամադրել սովորողներին:

Քայլ 3. Հարցազրույցի հատվածի (0:28–6:13) դիտում և քննարկում (10 րոպե)

Հատվածի դիտումից հետո ուսուցիչը մեկ առ մեկ քննարկման է ներկայացնում հետևյալ հարցերը (հարցերից յուրաքանչյուրը տպված է առանձին թղթի վրա և թղթերը հերթով են ցույց տրվում, ոչ թե միասին)։

- Ինչո՞ւ է Լալան ընդգրկվել քաղաքացիական ակտիվիզմի մեջ:
- Ինչպե՞ս է դա կապված ժողովրդավարական անցման հետ:
- Ինչպե՞ս է Լալան սահմանում ակտիվիզմը:

Քայլ 4. Հարցազրույցի հատվածի (8:18–11:14) դիտում և քննարկում (5 րոպե)

Հատվածի դիտումից հետո ուսուցիչը քննարկման է ներկայացնում հետևյալ հարցը.

- Ինչո՞ւ է կարևոր քաղաքացիական ակտիվիզմը:

Քայլ 5. Հարցազրույցի հատվածի (11:15–25:13) դիտում և քննարկում (20 րոպե)

Հատվածի դիտումից հետո ուսուցիչը տալիս է հետևյալ հարցեր.

- Ովքե՞ր էին ներգրավված նախաձեռնության/շարժման մեջ:
- Ի՞նչ խնդիրներ էր բարձրացնում նախաձեռնությունը:
- Արդյո՞ք նրանք հաջողեցին այդ խնդիրները լուծելու գործում:
- Եթե այո՝ ինչպե՞ս:
- Ի՞նչ գործիքներ էին օգտագործում:
- Ի՞նչ կարողացան փոխել: Ի՞նչ է, որ դեռ լուծված չէ:

Քայլ 6. Մտազրոհ (10 րոպե)

Այս գործողության նպատակը որոշ հիմնական տեղեկություններ տրամադրելը և թեման մեր երեք հիմնական թեմաներին կապելն է: Ուսուցիչը մեկ առ մեկ հետևյալ հարցերն է տալիս սովորողներին և հարցերից յուրաքանչյուրի պատասխանները հավաքելուց հետո ցույց է տալիս Հավելված 2-ի համապատասխան սլայդն ու բացատրում այն:

Հարց սլայդ 1-ի համար. Ի՞նչ կապ ունի բանակը ապագադրությաման հետ:

Հարց սլայդ 2-ի համար. Ի՞նչ կապ կա ժողովրդագրության և բանակի միջև:
Հարց սլայդ 3-ի համար: Ո՞րն է ժողովրդավարության և բանակի կապը:

Քայլ 7. Վերլուծություն և մեկնաբանություն (30 րոպե)

Այս գործողության նպատակն է, որ սովորողները վերլուծեն և մեկնաբանեն հարցազրույցը հավելյալ աղբյուրներ կարդալուց հետո: Սովորողները բաժանվում են 3 խմբի: Ժամանակի մեջ տեղավորվելու համար ուսուցիչը կարող է ընտրել ստորև աղբյուրներից մեկը կամ երկուսը:

Խումբ 1-ը կարդում է Բանակն իրականում նախաձեռնության հետևյալ կոչերը կամ հայտարարությունները.

1. [«Բանակն իրականում»-ը հարցնում է նախագահի թեկնածուներին](#)
2. [«Բանակն իրականում» քաղաքացիական նախաձեռնության հայտարարությունը՝ Բանակի օրվա կապակցությամբ](#)
3. [«Բանակն իրականում» նախաձեռնության հայտարարությունը Մատաղիսի վերաբերյալ](#)

Խումբ 2-ը կարդում է Մատաղիսի դեպքի վերաբերյալ հետևյալ հոդվածները.

1. <https://hetq.am/hy/article/22078>
2. <https://hetq.am/hy/article/8839>

Խումբ 3-ը կարդում է հետևյալ աղբյուրները.

1. <https://www.7or.am/am/news/view/46291/>
2. <https://www.azatutyun.am/a/25246897.html>
3. <https://safesoldiers.am/595.html>

Այնուհետև խմբերից յուրաքանչյուրը պետք է պատասխանի հետևյալ հարցերին՝ հիմնվելով կարդացած լրացուցիչ նյութերի վրա.


- Որո՞քն էին Բանակն իրականում նախաձեռնության բարձրացրած հիմնական խնդիրները:
- Ի՞նչ գործիքներ էր օգտագործում նախաձեռնությունը:
- Ի՞նչ հաջողություններ են ունեցել:

ԽՆԴԻՐ 1: ԽՆԴՐՈՒՄ ԵՆՔ ԱՅՑԵԼԵԼ [SAFESOLDIERS.AM](https://safesoldiers.am) ԿԱՅՔԸ՝ ՎԵՐԼՈՒԾԵԼՈՒ/ՀԱՄԵՄԱՏԵԼՈՒ ՀԱՄԱՐ ՏՎՅԱԼՆԵՐԸ 2020–2024 ԹՎԱԿԱՆՆԵՐԻ ՀԱՄԱՐ

Հայկական բանակում ոչ մարտական իրավիճակներում զոհերի թիվը

1994 թ. (Առաջին Արցախյան պատերազմի ավարտից) – 2025 թ.

1521 զոհ



ԲԱՆԱԿԸ Ե ՃՈՂՈՎՐԴԱՎԱՐՈՒԹՅՈՒՆԸ, ԱՊԱԳԱՂՈՒԹԱՑՈՒՄԸ, ԺՈՂՈՎՐԴԱԳՐՈՒԹՅՈՒՆԸ

1. Ապագաղութացում

- Հայաստանը դարեր շարունակ սեփական բանակ չի ունեցել՝ բացառությամբ Առաջին Հանրապետության կարճ ժամանակահատվածից (1918–1920):
- Հայաստանի ազատ ընտրված խորհրդարանի (այն ժամանակ դեռ կոչվում էր Գերագույն Խորհուրդ) ընդունած առաջին որոշումներից մեկը հայ զինակոչիկներին Խորհրդային բանակ չուղարկելու մասին որոշումն էր:
- 1992 թ. հունվարի 28-ին Հայաստանի Կառավարությունն ընդունում է ՀՀ Պաշտպանության նախարարությունը հիմնելու մասին որոշում՝ այսպիսով ստեղծելով Ազգային Բանակ ստեղծելու օրինական հիմքերը:

2. Ժողովրդագրություն

- Լեռնային Ղարաբաղի պատերազմների և հրադադարի խախտման հետևանքով զինծառայողների մահվան դեպքերը (1992–1994 թթ., 2016 թ., 2020 թ. և այլն)
- Զորակոչիկների թվի նվազում՝ ծնելիության նվազման պատճառով:
- Բանակում չծառայելու համար երիտասարդ տղամարդկանց շրջանում արտագաղթի ավելի բարձր ցուցանիշներ:

3. Ժողովրդավարություն

- Մարդու իրավունքների խախտումները և չկանոնակարգված հարաբերությունները բանակում:
- Ոչ մարտական իրավիճակներում զոհերի և այլ միջադեպերի տագնապալի թիվ:
- Բանակում մարդու իրավունքների մոնիտորինգ իրականացնող քաղաքացիական նախաձեռնություններ և խմբեր:

ՀԱՎԵԼՎԱԾ 3. ԼԱԼԱ ԱՍԼԻԿՅԱՆԻ ՀԱՐՑԱԶՐՈՒՅՑԻ ՎԵՐԱԲԵՐՅԱԼ ՏԵՂԵԿԱՏՎՈՒԹՅՈՒՆ

Լալա Ասլիկյան, **Բանական իրականում նախաձեռնություն**

Լալա Ասլիկյանն իրավապաշտպան է: 1990-ականների վերջից նա շատ ակտիվ է քաղաքացիական հասարակության տարբեր նախաձեռնություններում՝ ուղղված քաղաքացիական և քաղաքական իրավունքների խթանմանը և պաշտպանությանը, այդ թվում՝ կանանց իրավունքների, բանակում ծառայող զինվորների իրավունքների, և այլն: Հարցազրույցի ժամանակ Լալան պատմում է Հայաստանում տարբեր քաղաքացիական նախաձեռնություններին ու շարժումներին իր մասնակցության մասին, մասնավորապես՝ «Բանական իրականում» քաղաքացիական նախաձեռնության մասին: Նա կիսվում է ակտիվիզմի, քաղաքական դիրքորոշման, արժեքներին և այլնի մասին իր տեսակետներով և համոզմունքներով:

«Բանական իրականում» նախաձեռնությունը ստեղծվել է 2011 թ.՝ արձագանքելով բանակում մարդու իրավունքների խախտումներին, ինքնասպանություններին և ոչ մարտական իրավիճակներում մահվան ելքով միջադեպերի մեծ թվին: Նախաձեռնության նպատակն է խթանել և պաշտպանել մարդու իրավունքները Հայաստանի զինված ուժերում, ինչպես նաև հասնել բանակում մարդու իրավունքների խախտման դեպքերի բացահայտմանն ու համապատասխան պատժի սահմանմանը: